



Odbor za urbanizam i upotrebu lokalnog zemljišta

Broj: 04-GV-04-35/23

Sarajevo, 10.01.2023. godine

ZAPISNIK O RADU
21. SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 10.01.2023. godine

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Danijela Šahat, članica
4. Elvedin Korora, član
5. Sandra Toskić, članica

Odsutan: Salih Išerić, član (najavljen izostanak), Fikret Jakupović, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Alma Rešo, ispred Gradske službe za urbano planiranje, investicije, stambene i komunalne poslove

Predsjedavajuća Odbora je u 15.06 sati otvorila sjednicu, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 20. sjednice Odbora za urbanizam i upotrebu i upotrebu lokalnog zemljišta, održane 14.12.2022. godine.

Na prijedlog Predsjedavajuće, jednoglasno je usvojen sljedeći dnevni red:

1. Informacija o realizaciji Projekta „Sanacija, restauracija i koloristička obnova fasada“ za 2022. godinu
2. Tekuća pitanja

TAČKA 1.

Informacija o realizaciji Projekta „Sanacija, restauracija i koloristička obnova fasada“ za 2022. godinu

Uvodno izlaganje i odgovore na pitanja u diskusiji dala je Alma Rešo, ispred Gradske službe za urbano planiranje, investicije, stambene i komunalne poslove.



Poslije uvodnog izlaganja i diskusije, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Informaciju o realizaciji Projekta „Sanacija, restauracija i koloristička obnova fasada“ za 2022. godinu* i primi je k znanju, uz sugestiju da se u okviru projekta restauracije fasada objekata kulturno historijskog nasljeđa, zajedno sa nadležnim organima, razmotri mogućnost utvrđivanja uslova za postavljanje reklama, tendi, izloga i slične opreme u prizemnim dijelovima ovih objekata u kojima su poslovni prostori.

TAČKA 2.

Tekuća pitanja

a. Poslije diskusije, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta upućuje inicijativu Gradskom vijeću Grada Sarajeva da zatraži od Gradonačelnice da preispita Odluku o kućnom redu u stambenim zgradama, s ciljem predlaganja novog propisa u okviru nadležnosti Grada Sarajeva, tako da se budućim propisom uredi pitanja komunalnog reda sa osvrtom na vanjski izgled objekata koji čine ulične fasade, posebno u centralnom dijelu grada, uključujući i vrtove i vrtne ograde.

b. Poslije diskusije, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta upućuje pitanje Gradonačelnici kada će se dovesti u prvobitno stanje prokop saobraćajnice koji je ostao nezavršen poslije postavljanja cjevovoda kanalizacije za objekt na Vidikovcu, a odgovor se očekuje za sljedeću sjednicu Odbora.

PREDSJEDAVAJUĆA ODBORA

Aida Koluder-Agić, s.r.

Predsjedavajuća Odbora je u 15.50 sati zaključila rad 21. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.